

Antxiñako fotografía

Murgialdaiko Aitta Fermin Altuberen meza barrikua

Urrixaren 23an bete dira **70 urte** Murgixa auzoko frantziskotar oñatiar honek **meza barrixa** Arantzazun emun ebela. Orduko argazkixa dogu gaurko hau: hogeta hiru urteko fraide gaztia senidez, adiskidez eta Arantzazuko komentukidez inguratuta agerketan xaku bertan. Gehixenak familixakuak eta Murgixakuak dira, baiña beste auzo batzuetakuak eta kalekuak be badagoz. **Murgialdai bi bizitzatoko baserrixa da** aspalditxotik: **Altubetarrak** dira batekuak eta **Galdostarrak** bestekuak.

Fermin Altube azkenadi honetan Arantzazun erretirauta bizi bada be, denpora askuan Bidaurretako hospederexian egon danez, **kaletar askok ezaguketan dogu**. Sermolari moduan batera eta bestera ibili zan Euskal Herri osuan eta liburu interregarri bat itzi dosku: **Oñatiko Murgia auzoa. Gure aurrekoak gogoratzuz**, Arantzazu 1999. Goittik behera eta ezkerretik eskumara honeitxek dittuzue fotografixa honeta agiri diranak:



Goixeneko illaran: **Nikolas Markuleta Altube**, Danbolingua (Larraña); **Gillermo Bikuña Altube**, Erbiña (Larraña); **Hilarion Umerez**, Auzotxo kaleko (Martzelino Zelaia gaur egun) ardausaltzaillia; **Maria Urriz** eta **Matias Rodriguez Irizar** Bilboko andra-gizonak (Matias Murgialdain jaixua zan); **Joxe Ugarte**, Jargikua (Murgixa); honen aurrian **Bittori Elorza**, Santa Kruzkoa (Murgixa); **Tomas Galdos**, Murgialdaikua (Murgixa); **Martina Biain**, Jauregikua (Murgixa), monjia; **Migel Madinagoitia**, Kortakua (Larraña); **Fermina Urzelai**, Olakua (Larraña); **Juana (X.)**, Araozkua; **Julian Biain**, Umezekua (Murgixa); **Mari Kruz Ugarte**, Guillermo Bikuñaren andria; eta **Karmen Markuleta**, Nikolas Markuletaren emaztia.

Bigarren illaran erdixan: **Patxi Elorza**, Santa Kruzkoa, Kale Zaharreko fotografua; **Kalista Ezenarro**, Unaingua (Gari-bai); **Frantziska Altube Irizar**, Murgialdakua, **Eulali** alabatxua besuetan dakola; Kortako **Modesta**, Migel Madinagoitiaren andria; **Felisa** eta **Maria Arantzazu Altube Irizar** ahizpak, Murgialdaikuak; **Ebarista Idigoras Irizar** Imittolakua (Olabarrieta); **Maria Luisa Galdos Urzelai**, Murgialdakua; **Teodoro Markuleta Anduaga** frantziskotarra, Lizarraldeko semia (Berezaio), urte haretako San Ignazio egunian meza barrixa emundakua; eta honen anaia **Joxe Markuleta Anduaga**.

Hirugarren illaran behian: **Pedro Urzelai**, Amiñokua (Olabarrieta); **A. Karlos Gastesi**, sasue haretan eta geruago be Arantzazuko fraide ezaguna; **A. Arkangel Mitxelena** frantziskotarra, Arantzazuko guardiania; **Bias Altube Ugarte**, Murgialdaiko aitta; **Fermin Altube Irizar**, meza barrixa emun ebena; **Frantziska Irizar Urzelai**, Murgialdaiko ama; **A. Demetrio Garmendia**, sermolari ospetsua; **Dionisio Altube Irizar**, Murgialdaiko etxejoaun gaztia; eta honen emaztia **Juliana Madinagoitia** araoztarra, Pilartxo alabiarekin.

Beheko umiak: **Bixente Urzelai**, Amiñoko artzaiña; **Juanita** eta **Rosarito Altube Madinagoitia**, Murgialdaiko ahizpak; **Mertxe Galdos Urzelai** Murgialdaikua, monjia; eta **Kontxi Altube Madinagoitia**, Murgialdakua.

J. E.

Fotografixa Isidro Garro fraide argazkilarixak ataratakua izango da, Arantzazuko oroigarrixen denda zaharraren aurrian. Guri Fermin Altubek berak eskuratu dosku, argibiderik gehixenak letxe. Milla esker.